



CONCELLO DE REDONDELA

CONVENIO DO CONCELLO DE REDONDELA COA FUNDACIÓN AMIGOS DE GALICIA

En Redondela, 29 de outubro de 2025


REUNIDOS


Dunha parte a Alcadesa do Ilmo. Concello de Redondela, dona Digna Rosa Rivas Gómez, na representación que ostenta en virtude dos artigos 21.1 b) da Lei 7/85, de 2 de abril, Reguladora das Bases de Réxime Local.

Doutra, Don Ramiro José F. Varela Cives con DNI 33167791C que ostenta a representación da Fundación Amigos de Galicia con CIF G15859911, e enderezo na Avda. De Matosinhos nº 2, Vilagarcía de Arousa, correo electrónico traballosocial@fundacionamigosdeg Galicia.org, cuxa representación manifesta neste acto.

Ambos recoñécense capacidade, representación e poder suficiente para subscribir o presente convenio, polo que a tal efecto.

EXPOÑEN

 PRIMEIRO.- Que o Concello de Redondela ten competencia en materia de prestación de servizos sociais; todo elo segundo establecen as disposicións transitorias primeira e segunda da Lei 27/13, de 27 de decembro, de racionalización e sostibilidade da Administración Local e o artigo 3 e disposición adicional cuarta da Lei 5/2014, de 27 de maio, de medidas urxentes derivadas da entrada en vigor da Lei 27/13, de 27 de decembro, de racionalización e sostibilidade da Administración Local; e a Lei 13/2008, de 3 de decembro, de servizos sociais de Galicia.

 Ademais, de conformidade co artigo 25.1 do mesmo texto legal, os Municipios, para a xestión dos seus intereses e no ámbito das súas competencias, poden promover toda clase de actividades e prestar cantos servizos públicos contribúan a satisfacer as necesidades e aspiracións da comunidade veciñal.

SEGUNDO.- Que a Fundación Amigos de Galicia dende fai anos ten como finalidade previr a exclusión social das unidades familiares con menores a cargo en situación de carencia de recursos económicos mediante a cobertura das necesidades básicas das persoas. Para elo, realiza, entre outras, as seguintes actividades no ámbito territorial do termo municipal de Redondela que redundan en beneficio dos seus habitantes:

- a) Reparto de produtos alimenticios básicos enfocados á cobertura das necesidades nutricionais das/os menores.
- b) Reparto de produtos de vestimenta e calzado para dar cobertura, principalmente, ás necesidades das/os rapazas/ces que por atoparse nunha idade de desenvolvemento físico, teñen maiores necesidades neste eido.
- c) Reparto de produtos de hixiene persoal, produtos de limpeza, material



CONCELLO DE REDONDELA

escolar, mobles e enseres.


- d) Campaña Ningún nena/o sen xoguete, mediante a que, cada Nadal, se entregan xoguetes a todas/os menores de 8 anos, cuxas familias se atopan en situación de carencia de recursos económicos.


Que sendo os obxectivos sinalados de marcado interese público e social, é propósito de ámbalas dúas partes colaborar na súa consecución e no seu logro das mesmas polo que subscriben o presente convenio con arranxo ós seguintes

ANTECEDENTES

PRIMEIRO.- Que a Fundación Amigos de Galicia presenta:

- a) Cumprimento dos requisitos do artigo 13 da Lei 38/2003, de 17 de novembro, Xeral de Subvencións.
- b) Certificados de estar ó corrente coas obrigas tributarias e coa Seguridade Social.
- c) Declaración responsable respecto a obriga contida no artigo 25 do Real Decreto 887/2006, de 21 de xullo, polo que se aproba o Regulamento da Lei 38/2003.
- d) Declaración responsable de non ter solicitada nin concedida ningunha outra axuda para a mesma finalidade, ou de telas, declaración de cada unha delas e que o importe xustificado supere o importe total das axudas concedidas e/ou solicitadas.

 SEGUNDO.- A Fundación Amigos de Galicia ven desenvolvendo durante anos actuacións relacionadas coa misión referida. Estas actividades van redundar en beneficio da/os veciña/os de Redondela que van ter a oportunidade de beneficiarse de ditas actuacións.

 Debido ás características singulares e propias desta labor non é posible encadrar esta subvención dentro dun procedemento de concesión de subvencións de concorrencia.

En virtude do anteriormente exposto, a Fundación Amigos de Galicia e o Concello de Redondela acordan subscribir un convenio de colaboración con base nas seguintes:

CLÁUSULAS

PRIMEIRA.- Que a Fundación Amigos de Galicia está interesada en recibir un patrocinio por parte do Concello de Redondela co obxecto de poder sufragar parte dos gastos que implica a prestación das actividades que realiza no seu ámbito de actuación. Patrocinio que se encadra dentro da xa extensa labor, dentro das súas posibilidades, que se realiza por parte do Concello no ámbito da prestación de servizos no ámbito dos servizos sociais e da sanidade.


Serán gastos subvencionables para a prestación das actividades os seguintes;




- a) Cobertura dos custos derivados dos gastos en alimentación para o reparto entre a poboación redondelá a través das diferentes modalidades.
- b) Cobertura dos custos derivados da compra ou reparto de vestido e calzado, así coma de hixiene persoal, produtos de limpeza, material escolar, mobles, enseres e enxoval doméstico e xoguetes que teñan lugar durante o desenvolvemento do programa.

Quedan expresamente excluídos e polo tanto non serán obxecto de subvención os seguintes gastos:

- Os gastos de investimentos: obras e adquisición de bens inventariables.
- Os intereses de debedores de contas bancarias, os xuros, recargas e sancións administrativas ou xudiciais nin os gastos que puideran producir os seus respectivos procedementos.
- Os impostos directos ou indirectos que sexan susceptibles de recuperación ou compensación.
- Os gastos incompatibles coa aplicación orzamentaria á que se imputa o gasto destas bases e convocatoria.

 SEGUNDA.- Que o Concello de Redondela está interesado en previr a exclusión social nas familias con menores a cargo e apoiar o desenvolvemento de programas dirixidos a persoas en situación de carencia e/ou limitación de recursos, todo elo dentro da competencia xenérica do Ilmo. Concello de Redondela para satisfacer todo tipo de necesidades veciñais que lles outorga o artigo 25.1 da Lei 7/85, de 2 de abril, Reguladora das Bases de Réxime Local.

 TERCEIRA.- Tal como se establece no punto anterior, estando o Concello de Redondela interesado na promoción dunha actividade de servizos sociais e como se di na exposición segunda, tendo a realización das diversas actividades unha gran repercusión nun ámbito importante da veciñanza da vila. É por elo que se demostra deste xeito o interese social polo que o Concello de Redondela decide asinar un convenio coa Fundación Amigos de Galicia.

Así, no Acordo aprobado polo Pleno do Concello en data de 27 de febreiro de 2025 e publicado o día 04 de abril no boletín oficial da provincia de aprobación de diferentes subvencións nominativas para o ano 2025, recóllese a aplicación orzamentaria 2311A.4800013 para o outorgamento da subvención. Con posterioridade e por Resolución de Alcaldía de data 29 de outubro de 2025 aprobouse outorgar unha subvención por importe de 6.000€ (SEIS MIL EUROS) a cal se articulara, atendendo ás peculiaridades da actividade a fomentar, a través do presente convenio para o patrocinio e fomento dos fins de utilidade e interese social antes comentados e de competencia de ambas entidades.



CONCELLO DE REDONDELA

CUARTA.- A Fundación Amigos de Galicia comprométense a seguir realizando as actividades antes mencionadas, como ata agora o ven facendo e en concreto a:

- a) Entrega de alimentos, ou produtos de consumo básico (roupa, calzado, produtos de hixiene) á persoas en risco de exclusión social e como loita a malnutrición.
- b) Especial atención á malnutrición no ámbito da infancia do nos Concello.
- c) Realización de talleres de habilidades sociais para a búsqueda de emprego.
- d) Comprométese a facer constar na publicidade realizada por calquera medio que as actividades e servizos que realice contan coa colaboración do Concello de Redondela. Na publicidade impresa deberá constar o escudo e nome do Concello de Redondela. A fundación comprométese a unha utilización respectuosa do nome e da imaxe do Concello de Redondela.
- e) Remisión, con carácter cuadrimestral, dunha memoria de actividades e atencións realizadas.
- f) A facer un uso responsable das instalacións, medios ou recursos, que no seu caso, poña a súa disposición o Concello sen causar danos nos mesmos.
- g) A presentar calquera outra documentación que lle sexa solicitada polo Concello, en relación co outorgamento da subvención.

QUINTA.- Así mesmo comprométese a cumprir coas obrigas dos beneficiarios establecidas na lexislación aplicable que se recollen como anexo deste convenio e en especial a achegar facturas ou documentos substitutivos de facturas, orixinais ou debidamente compulsadas, polo menos, polo importe de 6.000€ (SEIS MIL EUROS) así coma o formulario correspondente debidamente cuberto (Anexo II e Anexo III) relativos a relación clasificada de gastos e ingresos da actividade subvencionada e a relación clasificada de gastos, co obxecto de verificar que a actividade se desenvolveu e que o importe concedido non supera o custe das actividades desenvolvidas. Así mesmo, a xustificación so se poderá referir a gastos realizados para sufragar o obxecto deste convenio e que foron efectivamente pagados este ano con anterioridade á xustificación da subvención, salvo nos casos dos pagamentos a conta. No caso de que ó finalizar o prazo para a xustificación, non se xustificara a totalidade da subvención procederase automaticamente á anulación da subvención polo non xustificado.

As facturas que se presenten para a xustificación deberán ser emitidas conforme ó establecido legalmente no Real Decreto 1619/2012, de 30 de novembro. En caso contrario, a factura non contará para a xustificación. Con carácter xeral, a xustificación terá unha relación directa coas actividades subvencionadas. Na factura constará carimbo ou lenda de "cobrado", "pagado", "recibín" ou similar, onde conste a identificación do terceiro que é acredor e acredita o pago da mesma; salvo naquelas facturas de importe superior a 1000 €, nas que deberá constar o xustificante do ingreso bancario. Os gastos xustificadas non poderán ter o carácter de investimento. No caso de que se presenten copias das facturas, aparte de que estas deberán estar debidamente compulsadas, o beneficiario deberá presentar as facturas orixinais para que sexan seladas polo Concello onde se faga constar que a factura se utilizou para xustificar unha subvención.

En caso de que a xustificación se realice mediante documentos substitutivos de



CONCELLO DE REDONDELA

facturas deberá poñerse de manifesto as razóns polas que non se pode xustificar o gasto con facturas. A apreciación deste feito será realizada polo órgano que aprobe a xustificación. En caso de que non este conforme coa xustificación requirirá á Fundación Amigos de Galicia a que presente outra xustificación de acordo co establecido na lexislación pertinente.

Na xustificación do gasto mediante nóminas, estas deberán vir acompañadas dun certificado da/o Secretaria/o da Asociación no que se estableza cal é porcentaxe do importe da devandita(s) nómina(s) que se imputa(n) á xustificación. A xustificación de gastos salariais non serán admisibles se estes se refiren a persoal que se atope en situación de incapacidade temporal se esta supera o mes ou en ERTE.

Para o caso de xustificación de seguros sociais a cargo da entidade beneficiaria presentárase a relación nominal de persoas traballadoras e o recibo de liquidación de cotizacións dos meses que se presenten na xustificación da subvención e se non se deduce claramente da documentación, deberá constar certificado da/o secretaria/o no que se estableza a contía imputable á xustificación. Este importe deberá ser acorde coa cantidade imputada do salario da/o empregada/o.

Se a xustificación non alcanza a cantidade mínima necesaria para realizar o pago da cantidade concedida, esta se reducirá proporcionalmente á cantidade xustificada.

Os libramentos dos fondos realizarase a medida que se vaia xustificando o gasto.

O prazo máximo para a xustificación será antes do 7 de novembro.

Así mesmo, coa xustificación da subvención da Fundación Amigos de Galicia deberá presentar:

1. Memoria detallada da actividade realizada, en que consistiu, e o número de participantes na activade.
2. Que as facturas se axustan á finalidade recollida no convenio.
3. Que non se atopa en ningún dos supostos establecidos no artigo 13 da LXS ou no artigo 10 da LSG que a inhabiliten para obter a condición de beneficiario da subvención.
4. Que se atopa ó corrente das súas obrigas tributarias co Concello de Redondela.
5. Certificado de atoparse ó corrente no cumprimento das súas obrigas tributarias e fronte a seguridade social.
6. Que non ten solicitada nin concedida outra axuda para a mesma finalidade, ou de telas, declaración das mesmas e que o importe xustificado supere o importe total das axudas concedidas e/ou solicitadas.
7. Unha certificación de atoparse ó corrente do cumprimento da obriga de reintegro de subvencións.
8. Unha declaración de que o custe do IVE que aparece nos documentos que presentan na xustificación non ten carácter de recuperable para a entidade beneficiaria.
9. Que se cumpriron as obrigas recollidas na cláusula IV, especialmente a referida a que consta na publicidade ou calquera documentación impresa a actividade subvencionada o nome e o escudo do Concello.


10. O gasto total que tivo que asumir a entidade beneficiaria.
11. Os formularios correspondentes debidamente cubertos (Anexo II e III) relativos a relación clasificada de gastos e ingresos da actividade subvencionada e a relación clasificada de gastos.

Previamente á aprobación do gasto, a área de Servizos Sociais procederá á valoración de se, coa xustificación presentada pola Fundación Amigos de Galicia se cumpre coa finalidade da subvención.


Por último a Fundación Amigos de Galicia comprométese a non participar na concesión de subvencións que podería outorgar o Ilmo. Concello de Redondela conforme as Bases de subvencións aprobadas no seu día pola Alcaldía ou órgano competente mentres dure a vixencia deste convenio pola mesma actividade que se recolle neste documento.

SEXTA.- O Concello de Redondela responsabilízase de:

- Tramitar a xustificación que presenten no seu momento a Fundación Amigos de Galicia.
- Colaborar para a boa execución deste convenio.
- Asumir unicamente o compromiso económico que se recolle na cláusula terceira, imputándose ó exercicio orzamentario do ano 2025.



Debido ás características deste convenio, non é necesario establecer consecuencias no caso de incumprimento dos compromisos asumidos por cada parte, mais alá de que exista algún desperfecto nas instalacións, medios ou recursos, que no seu caso, puxera a súa disposición o Concello.



SÉTIMA.- A Fundación Amigos de Galicia é a única responsable de cantos danos, tantos físicos coma materiais, poidan ocasionarse ó Concello de Redondela e sexan consecuencia directa ou indirecta do uso ou actividade desenvolvida na realización da(s) actuación(s) pola que se concede esta subvención, quedando exento de toda responsabilidade o Concello.

Así mesmo, a Fundación Amigos de Galicia asume a responsabilidade civil derivada da realización da(s) actuación(s), polo que o Concello de Redondela quedará exento de toda responsabilidade.

Igualmente, o Concello de Redondela quedará exento de toda responsabilidade derivada de actos do persoal dependente da devandita entidade e de calquera persoa con quen esta se relacione.

Se o Concello fora condenado como responsable civil en procedemento civil ou penal, repercutirá a contía total á que ascende o fallo da sentenza á Fundación Amigos de Galicia.



OITAVA.- Declárase a compatibilidade con outras subvencións, axudas, ingresos ou recursos para a mesma finalidade, procedentes de calquera Administración ou ente público ou privado, nacional, da Unión Europea ou de organismos internacionais., salvo as outorgadas polo Concello. A sinatura do presente convenio suporá o recoñecemento por parte da persoa que ostenta a representación da Fundación Amigos de Galicia de que o importe total das subvencións obtidas, incluída á que se refire este convenio, das diferentes Administracións Públicas, non supere o custe das actividade a desenvolver polo beneficiario.

Por outro lado, a Fundación Amigos de Galicia renuncia a participar de calquera outra axuda do Concello de Redondela aprobada dentro do ano 2025, con independencia do estado da súa tramitación.

NOVENA.- O corpo normativo aplicable estará formado por:

- A Lei 38/2003, de 17 de novembro, Xeral de Subvencións.
- A Lei 40/2015, de 1 de outubro, de Réxime Xurídico do Sector Público.
- A Lei 9/2007, de 25 de xuño, de subvencións de Galicia.
- O Real Decreto 887/2006, de 21 de xullo, polo que se aproba o Regulamento da Lei 38/2003.
- A Ordenanza Xeral de subvencións do Concello de Redondela.
- As Bases de Execución do Orzamento do Itmo. Concello de Redondela.
- Con carácter supletorio o Dereito Administrativo.

DÉCIMA.- A Fundación Amigos de Galicia queda expresamente comprometida e coñece todo o establecido nos Títulos II, III e IV da Lei 38/2003, de 17 de novembro, Xeral de Subvencións referidas ó reintegro de subvencións, control financeiro de subvencións e infraccións administrativas en materia de subvencións.

Por outra banda, a Fundación Amigos de Galicia renuncia a participar de calquera outra axuda pública do Concello de Redondela aprobada dentro do ano 2025, con independencia do estado da súa tramitación.

UNDÉCIMA.- Este Convenio ten carácter administrativo e a xurisdición contencioso-administrativa será a competente para o coñecemento das posibles cuestións litixiosas que puidesen xurdir como consecuencia deste. Corresponderá á




CONCELLO DE REDONDELA


Alcaldesa de Redondela a interpretación, modificación e resolución do convenio. As posibles modificacións realizaranse a proposta del Concello de Redondela e sempre e cando conte con informes favorables. Para o cumprimento da letra f) do artigo 49 da Lei 40/2015, de 1 de outubro, de Réxime Xurídico do Sector Público, establécese a existencia dunha comisión paritaria na que a actuación do Concello deberá contar con informes favorables. O período de vixencia deste convenio finalizará coa aprobación da xustificación.

DUODÉCIMA.- Con respecto aos datos de carácter persoal que puideran derivarse da execución do presente convenio, as partes asinantes quedan expresamente obrigadas ao cumprimento da Lei Orgánica 3/2018, de 5 de decembro, de Protección de Datos Persoais e Garantía dos Dereitos Dixitais e a súa normativa de desenvolvemento e ao Regulamento (UE) 2016/679 do Parlamento Europeo e do Consello de 27 de abril de 2016 relativo á protección das persoas físicas no que respecta ao tratamento de datos persoais e á libre circulación destes datos e polo que se deroga a Directiva 95/46/CE (Regulamento xeral de protección de datos), así como das disposicións en materia de Protección de Datos que se atopen vixentes durante o período de vixencia do convenio.

Os datos persoais non serán comunicados a un terceiro, a non ser que deban facilitarse en cumprimento dunha obrigaón legal.

Os datos serán conservados o tempo necesario para poder levar a cabo o rexistro e as accións para as que se lle solicitaron.

 O responsable do tratamento dos datos será o Concello de Redondela, podendo a Fundación Amigos de Galicia exercer os dereitos de acceso, rectificación, cancelación e oposición ante o Concello de Redondela.

 Así mesmo, de conformidade co establecido na letra d) do apartado 2 do artigo 15 da Lei 9/2007, do 13 de xuño, de Subvencións de Galicia, os interesados poderán facer constar na súa solicitude o seu dereito a que non se fagan públicos os seus datos cando a publicación dos datos do beneficiario en razón do obxecto da subvención poida ser contraria ao respecto e salvagarda do honor e á intimidade persoal e familiar das persoas físicas en virtude do establecido na Lei orgánica 1/1982, do 5 de maio, de Protección civil do dereito ao honor, á intimidade persoal e familiar e á propia imaxe, e sexa previsto na súa normativa reguladora.

Conforme co mesmo o firman as persoas e no lugar e data arriba sinalados por triplicado exemplar.

A Alcaldesa
do Concello de Redondela

O representante da
Fundación Amigos de Galicia

Asdo: Digna Rosa Rivas Gómez

Asdo: Ramiro José F. Varela Cives

Concello de Redondela

Rúa Alfonso XII, 2 36.800 Redondela (Pontevedra) Tlf. 986 400 300 Fax: 986 403 894 CIF: P3604500C

Anexo I ó convenio no que se recollen as obrigas do beneficiario desta subvención

1.- Cumprir o obxectivo, realizar a actividade ou adoptar o comportamento que fundamenta a concesión das subvencións de acordo coa memoria presentada.

2.- Xustificar ante o Concello de Redondela, o cumprimento dos requisitos e condicións, así coma a realización da actividade e o cumprimento da finalidade pola que se concedeu a subvención.

3.- Someterse ás actuacións de comprobación e control financeiro que poidan realizar os órganos de control competentes, achegando canta información lle sexa requirida no exercicio das actuacións anteriores.

4.- Comunicar ó Concello de Redondela a obtención doutras subvencións, axudas, ingresos ou recursos para a mesma finalidade. Esta comunicación deberá efectuarse tan pronto coma se coñeza.

5.- Acreditar que está ó corrente no cumprimento das súas obrigas tributarias e fronte á Seguridade Social, na forma que se determine regulamentariamente.

6.- Dispor dos libros, rexistros e/o documentos debidamente cumprimentados de acordo coa normativa aplicable ó beneficiario ou perceptor, coa finalidade de garantir o adecuado exercicio das facultades de comprobación e control.

7.- Conservar os documentos xustificativos da aplicación dos fondos recibidos, incluídos os documentos electrónicos, en tanto poidan ser obxecto das actuacións de comprobación e control.

8.- Facer constar naquelas actividades subvencionadas que así o permitan, que contan coa subvención do Concello. Na publicidade impresa deberá constar o escudo e nome do Concello de Redondela.

9.- Proceder ó reintegro dos fondos percibidos nos supostos contemplados no artigo 37 da Lei 38/2003, de 17 de novembro, Xeral de Subvencións.

10.- Con carácter xeral, deberán desenvolver a actividade subvencionada no termo municipal de Redondela.

11.- As persoas xurídicas deberán estar validamente constituídas e rexistradas.

Polo que se refire á xustificación dos gastos é unha das obrigas de todo beneficiario co Concello de Redondela. Con carácter xeral, a xustificación realizarase mediante



facturas orixinais ou compulsadas directamente relacionadas co obxecto da subvención, e no seu caso, correspondentes ó período para o que foi concedida. As facturas deberán conter os seguintes datos:

- a) Emisión á persoa ou entidade beneficiaria, con especificación do seu N.I.F. ou C.I.F., domicilio fiscal, localidade e código postal e o Departamento ou Servizo destinatario da prestación.
- c) Identificación completa do provedor ou contratista, especificación polo menos, en todo caso, a súa denominación, N.I.F ou C.I.F, domicilio fiscal, localidade e código postal.
- d) Número de factura.
- e) Lugar e data de emisión da factura.
- f) Descrición suficiente do subministro realizado ou do servizo prestado, con detalle das unidades obxecto do servizo ou subministro, cantidade e prezos unitarios de cada unha delas, contraprestación total, tipo tributario e cota do Imposto sobre o Valor Engadido.
- g) Período que corresponda.

